

Goibekokale

ELGETA / Barikua / 2004eko maiatzaren 21a / 186. zenbakia

KOORDINATZAILEA: Irati Agirreazaldeggi • Barrenkalea 33 20570 BERGARA • Tel.: 943 76 92 71 • Faxa: 943 76 29 77 • Posta elektronikoa: goibekokale@goiena.com • Lege gordailua: 55475/95

Kirolak, musika, dantzak eta bazkaria Asentzión domekan

IRATI AGIRREAZALDEGI

Domekan, hilaren 23an, Asentzio Eguneko ospakizunak egingo dira Asentzio gaineko putzuaren aldamenean. Gazte Asanbladakoek izango dute ekitaldiak gertatzeko ardura, eta aurrez, eguna girotzeko, gaurko rock kontzertua antolatu dute.

Bederatzi urte beteko dira aurten herriko gazteek Asentzio Eguna berreskuratu zutenetik. Bederatzi urteotan hainbat ekitaldi antolatu dituzte egun horren inguruan eta aurtengorako ere gertu dauden jadanik herriko gazteak.

Urte hauetan guztietan ekin-tza bereziekin girotu dute Asentzio Eguna. Herriko txapelkunak lehian ikusi dira bertan, gazte eta zaharren arteko desafioak egin dituzte eta dantza erakustaldiak zein arrantza txapelketak ere egon dira.

Bizikleta lasterketarekin hasiko da eguna aurten. Goizeko hamaiketean izango da karrera. Beste urte batzuetan honen ordez Intxortarako igoera, karramarro arrantza Asentzioko putzuan... antolatu izan dituzte.

Lasterketa amaitutakoan, eguerdian, meza izango da Asentzioko baselizan, urtero egin ohi den moduan.

Mezaren ostean, herriko dantzariak erakustaldia eskainiko dute bertarautako herritar guztien aurrean.

Asentzión goizean zehar txosna ipiniko dute Gazte Asanbladakoek, eta bertan, pintxoak eta edariak izango dira nahi dute-nendako. Bestalde, Gure Borda Elkartekoek salda eta txorizoa banatuko diete goizean Asentziora gerturatzen direnei.

HERRI KIROLAK

Dantzak ikusi ondoren herri kirolen txanda etorriko da. Herriko hainbat koadrilak hartuko dute parte herri kirolen txapelketan. Koadriletako neska-mutilek artoa jasotzen, sokatiran eta zaku karretan jardun beharko dute nor baino nor gehiago. Orain dela zenbait urte egin ziren antzerako probak Asentzio Egunean, eta



Mezaren ostean herriko dantzariak erakustaldia eskainiko dute Asentzión.

ARTXBOA

lehiaketa modu umoretsuan eginenez, eguna girotzeko asmoz antolatu dute aurten ere txapelketa.

Herri kirolean jardundakoek indarrak berreskuratzeko eta gainontzekoek sabela betetzeko bazkaria izango da gero. Entsalada mistoa, solomoa piperrekin, postrea eta kafea izango dituzte mahai gainean bazkarirako.

Bazkalostean, Asentziotik herrira jaitsi eta jai giroak bertan jarraituko du. Izan ere, triki-poteoa egingo dute herrian Bergarako trikitilariak.

EGUNA GIROTZEKO KONTZERTUAK

Baina Asentzio Eguneko ospakizunak aurrez hasiko dituzte elgetarrek. Gazte Asanbladakoek antolatuta, gaur, barikua, kontzertua izango da 22:30ean hasita gaztetxean. Bertara joan nahi dutenek hiru euroko sarrera ordaindu beharko dute.

Aterkings talde markinarrak eta Black Sheeps bergararrek jardungo dute. Aterkings talde rockeroa beste talde batzuetan ibilitako musikariak osatutakoa da. Black Sheeps taldekoek ere rock

doinuak eskainiko dituzte. Elgetarrek ezagutzen dituzte bi taldeok, aurrez ere inoiz izan baitira gaztetxean.

Gazte Asanblada arduratu da Asentzio Eguneko antolaketa lanez, baina Udalak dirulaguntza eman die ekintza horiek gertatzeko. Guztira, 240 euro jasoko dituzte Gazte Asanbladakoek Udaletik. Diruz laguntzeaz gainera, musika tresnak eta beste hainbat gauza ere lagako dizkie Udalak, Asentzio Eguneko ekintzak egoki irteteko.

Asentzio Eguneko egitaraua



MAIATZAK 21, BARIKUA

22:30: Kontzertua: Black Sheeps (Bergara) eta Aterkings (Markina). Gaztetxean.

MAIATZAK 23, DOMEKIA

11:00: Bizikleta lasterketa

12:00: Meza.

Ondoren: Dantzak

Gero: Koadrilen arteko herri kirol txapelketa: Arto jasotzea, soka-tira eta zaku karrera.

14:30: Bazkaria.

Bazkal ostean: Triki-poteoa herrian.

LABUR

HZk gudariei omenaldia egingo die Asentzión

Herritarren Zerrenda taldeak hainbat ekitaldi egin ditu asteon ibarrean. HZ taldearen helburua da Euskal Herria nazio gisan aurkeztu ahal izatea Europako hauteskundeetan. Horretarako *Euskal Herria Europan* izeneko hitzaldi sorta egin dute Debagoieneko hainbat herritan. Ekitaldi hauekin amaitzeko, domekan, hilaren 23an, lehengo eta oraingo gudariei omenaldia egingo diete Asentzioko bidegurutzean, 12:00etan. Monolitoean plaka bat ipiniko dute.

Aukeratu dituzte hauteskundeetako mahaikideak

Osatu da Europako Parlamenturako 2004. hauteskunde eguneko hautesle mahaian egongo den taldea. Mahaiburuia izango da Guillermo Garcia eta bere ordezkokoak Maria Beatriz Sarraoa eta Jon Iturricastillo. Lehenengo mahaikidea izango da Maria Pilar Garay eta bere ordezkokoak Maria Concepcion Gorrotzategi eta Nerea Sarasua. Bigarren mahaikidea, berriz, Mikel Elkoro izango da eta ordezkokoak, Gorka Bolinaga eta Francisco Javier Garay.

Pilotalekua itxita martitzenetik barikura bitartean

Udaleko Kirol Zerbitzutik jakinarazi digutenez, datorren astean pilotalekua itxita egongo da egun batzuetan. Martitzenetik, hilaren 25ean, itxi eta barikura arte, maiatzaren 28ra arte, ezin izango dira bertara sartu, ez pilotan jokatzera ezta bestelako kirolean jardutera. Pilotalekua itxtearen arrazoia bertan egin beharretako margotze lanak dira. Bestalde, hainbat konponketa ere egingo dituzte. Beraz, datorren asteburutik aurrera erabiltzeko moduan izango da.

ERLOJUA

Elizako erlojua konponduta, ordua egoki ematen hasi da

I.A.


Iazko udan utzi zion funtzionatzeari elizako erlojuak, eta Gasteizen konponketak egin ostean, joan zen astean jarri zituzten makineria eta orratzak bere lekuan. Hemendik aurrera, beraz, berriz ere ordua modu egokian emango die elgetarrei erlojuak.

Erlojua 1969an ipini zuten elizako kanpandorrean. Galdategi baten egindakoa da, Viuda de Muruaren tailerretan. Erlojua konpontzen jardun duten Sueskun anaiek esan zigutenez, oso erloju onak egiten zituzten han.

Baina denbora ez da alferrrik pasatzen, eta iazko udan gelditu egin ziren erlojuaren orratzak. Erlojuak zuen arazoa zen oso zikina zegoela, koipe zikina zuen. Honetaz gain, orratzak herdoildu egin ziren eta blokeatuta zeuden, ez aurrera ez atzera.

Gasteizko Miriam-Hermanos Sueskun erloju-dendakoek jardun zuten joan zen asteko eguean eta barikuan erlojua behar den moduan egokitzen.

Sueskun anaien lanak nahi-



Elizako kanpandorretik zintzilikatuta konpondu zuten elizako erlojua.

koa ikusmin sortu zuen. Izan ere, kanpandorretik zintzilik jardun zuen lanean bi anaietako batek, besteak barrutik makineria orratzekin egokitzen zuen bitartean.

DIRULAGUNTZA

Erlojua konpontzeak 5.788 euroko kostua izan du eta horietatik 5.000 euro herritar batek ipini ditu: Joakin Gastezi Agirrezabalak, hain zuzen ere.



Sarea areto futboleko kantxan

Areto futbolean jokatzeko erabiltzen den kantxan sarea ipintzeko erabakia hartu du Udalak, eta baita ipini ere. Baina baloiak kantxatik kanpo ez jausteko irtenbide hau behin-behinekoa baino ez da. Areto futbol txapelketa amaitzeaz bat kendu egingo dute sarea. Bitartean aztertu egingo dute kantxarekin zer egin. Izan ere, baliteke behin betiko itxitura jartzea gero. /I.A.

EPAIKETA

Hilketa eta lapurreta egotzi dizkio zinpeko epaimahaiak Aitor Mendikuteri

USOA AGIRRE/IRATI AGIRREAZALDEGI.

Astehenean, Aitor Mendikuteri aurkako epaiketaren seigarren egunean, Arrate Elkororen gorpuari egindako autopsiaren eta Mendikuteri izanaren gaineko deklarazioak jaso ziren epaia-aretoan. Mendikuteri atzemandako labanan aurkitu zen odol aztarna Arrate Elkororena zela baieztatu zuten.

Martitzeneko saioan hilketa-aren egile dela onartu zuen Aitor

Mendikutek, baina lapurretari ez zuela egin.

Abokatu bakoitzak bere akusazioak aurkeztu ostean, eguaztenean kaleratu zuen zinpeko epaimahaiak Aitor Mendikuteri aurkako epaia.

Hilketa egotzi dio zinpeko epaimahaiak Mendikuteri. Hilketa hori, gainera, alebosiaz eta krudelkeriaz egin zuela esan dute. Gainera, lapurreta delitua ere leporatu diote.

Hala ere, aringarri bat ezarri

diote epaiari: erasoaren unean Mendikuteri askatasuna partzialki asaldatuta zegoela adierazi dute, eta baita anomalia psikiko arina duela ere.

SENTENTZIA DATORREN ASTEAN

Epaia ikusita fiskalak 20 urteko kartzela zigorra eskatu du hilketagatik eta lau urtekoa lapurretatagatik; 24 urteko kartzela zigorra guztira. Akusazio partikularrak eta herri-akusazioak, berriz, 22 urte eta sei hilabeteko kartzela

la zigorra eskatu dute hilketagatik eta lau urte eta sei hilabetekoa lapurretatagatik; 27 urteko kartzela zigorra guztira.

Datorren astean emango du epaileak sententzia eta orduan jakingo da zenbat urteko kartzela zigorra izango duen Aitor Mendikutek.

Aho batez hartu du zinpeko epaimahaiak erabakia. Akusazio partikularren eta herri-akusazioaren abokatuak pozik agertu dira epaiarekin.

KIROLA

PARTIDUAK

ARETO FUTBOLA
Maiatzak 22
15:00: Vicios-Makanaki K. Piperrak
16:00: K. Piperrak-Ariñiketan Makanaki
17:00: Spias-La Kokotxa Ariñiketan

PILOTA

Maiatzak 22 (Debagoieneko txapelketa) Final erdiak
11:30: Juantxu/Unai Uriarte-
Javier Isturiz/Ibai Redondo
12:15: Garikoitz Uribarren/Arkaitz Lizarralde-
Igor Oruesagasti/Joseba Larrañaga

EMAITZAK

ARETO FUTBOLA
La Kokotxa 1 - K. Piperrak 7
Ariñiketan 6 - Txapela 1
Vicios 3 - Spias 3

Patxi Taberna

• Bokata goxoak • Plater konbinatuak
• Espezialitatea: Tripakiak

Salbador, 3 Tel.: 943 768 093 Elgeta

ELGETA AUTOAK

Berraondokoa z/g ELGETA
T. 943 76 82 02 F. 943 76 82 98

Jesus Mari Montiel
**ITURGINTZA
ETA BEROGAILUAK**
Artekale 3
Mo: 656783299 Eibar
Tel: 943 70 07 19
**KONPONKETAK
SUKALDE
ETA BAINUGELETAN**

ERRETRATUZAHARRA

BERGARA

Asentzio eguna
San Migelen,
1957 urte aldera

Asentzio eguna ospatu zuten atzo, eguena, Aritzetako San Migel ermitan. Goizean meza izan zen eta mezaren ondoren mokadutxo hartu zuten han bildutako herritarrek. Gaur egun ez da oso ohikoa San Migel ermitan meza entzutea; hain zuzen ere, urtean bitan bakarrik egoten da meza: Asentzio egunean eta San Migel egunean. Edozelan ere, domekan, maiatzaren 23an, Asentzio eguna ospatzeko meza egongo da berriz ere, goizeko hamaiketant. Zubiaurre eta Martokoko jaiak ospatzen direnez, hara joateko igoera antolatu dute, 10:30ean hasita, Lasa eta Txarrantxa jatetxeen ondotik.

Garai baten San Migel ermitan biltzen zen jendetzaren lekuko duzue aste honetako erretratu zaharra. Ermitaren ondian dagoen Aritzeta baserriko Margarita Mujikak emandako informazioaren arabera, argazkia 1957-60 urte bitartekoa izan daiteke. Antza denez, Ramon Labor da bergarar apaizak esaten zuen meza sasoi hartan, eta, horrez gain, jolasak, bertsoak eta bestelako ekitaldiak izaten ziren ermita ondoko zelaian. Argazkian ikusten denez, herritar ugari joaten ziren orduan San Migelera, adin guztietakoak gainera. Ziur ezagun mordera topatuko dituzuela erretratuan.

Argazkia: Margarita Mujika



ADI, IRAKURLE!

Zure erretratu zaharra argitaratzea nahi izanez gero, zatoz BERRIGARAra (Irizar jauregia, Barrenkalea 33) edo Elgetako kultura etxera. Zain gaituzu!

Ganbara

TABERNA

Heure erara
ibiltzeko!Irala z/g.
BERGARA
Tel.: 943 76 55 75IRRINTZI
kafetegiaIrala 3. BERGARA
Tel.: 943 76 48 26

Kabutzia

ARRAINDEGIA

Fraiskozuri 6
BERGARA
Tel.: 943 76 56 62REMENTERIA
AltzariakEgongelak
Logelak
Aukera guztiak
EnkarguanArtekalea, 6
BERGARA
943 76 13 29UREDERRA
ITURGINTZAIturgintza
Berogintza
Aire egokitua
Konponketa
SalmentaArruriaga 11
686 943 918Manufacturas LARRAÑAGA
LAN-BABESERAKO ARTIKULUAK

Eskularruak: larruzkoak, lonazkoak, nitrilozkoak eta PVCzkoak • Polainak: larruzkoak • Amantalak: larruzkoak, lonazkoak eta plastikozkoak • Mangitoak: larruzkoak, lonazkoak eta plastikozkoak • Txanoak: lonazkoak eta skay-zkoak • Segurtasuneko oinetakoak • Entzumen-babesa eta begi-babesa • Soldatzaileendako aurpegirako babesa • Maskarak • Lunbalgiarako gerrikoak eta faxak • Hotzaren kontrako parkak • PVCzko trajeak • Soldatzaileendako larruzko jakak (3/4) • Lanerako arropa • Hotzaren kontrako txalekoak • Eta abar.

Leizeaga 1 BERGARA Tel. / faxa 943 76 59 53.

disdira

ile apaindegia
edertze gelaMasterreka 7
BERGARA
Tel.: 943 76 00 55ezpeleta
Ostalaritzarako
ehungintzaOstalaritza eta
egoitzetarako
mahai-zapi eta
industri-ehunakSan Lorenzo 1, Bergara
Tf. 943 76 28 77
Tel.: eta faxa: 943 76 17 09

BONOFOTOA



Ze kaletan daude farola hauek eta ze jauregitik gertu?

BERGARAROSPETSUAK

Telesforo Monzon (1)

KOLDO PÈREIRA

Idazle, politikari eta buruzagi abertzalea Olaso dorretxean jaio zen 1904ko abenduaren 1ean. Zuzenbide ikasketak egin zituen Madrilan; ez zituen bukatu, ordea, eta EAJko kide egin zen 1930ean alderdia berriro elkartu zenean. Alderdi horretako zinegotzi aukeratu zuten II. Errepublikari bide eman zioten 1931ko udal hauteskunde historikoe-tan. Euskal Herriko lehen estatutua prestatzeko prozesuan, Bergarako Udalak, besteak beste, Eusko Ikas-kuntzaren estatutuari egin beharreko zuzenketa erlijiosoak eta hamar urtekoak proposatzea lortu zuen. Zuzenketa horien bidez, Lizarrako estatutu konfesionala sortu zen.

Gorteetako diputatu aukeratu zuten bi legegintzalditan. Bere ibil-bide errepublikarra ezagutzeko, aski dugu jendaurreko ekitaldietara jo. EAJko Euskadi Buru Batzarreko kide izan zen. 1936an Agirre lehendakariak Eusko Jaurlaritzako Gobernazio ministro izendatu zuen. Ardura hori zuela, Ertzaintza izeneko polizia sortu zuen; ordena zaintzeko eta gerrako beharrei erantzuteko lagun-garri izan zen, hain zuzen ere.

*Jose Antonio Agirre
lehendakariak
Gobernazio ministro
izendatu zuen 1936an*



ROMAN LARRAÑAGA (BUA)

GALDEDEBALDE

1.

Zein izen jarri zioten garuko Kateari Bergaran, orain dela 25 urte?

- A/ Eman.
- B/ Legaia.
- C/ Elbarri-Lan.

2.

Fran Iturbe gitarra joleak talde berri baten dihardu. Zein?

- A/ Zurrundaie.
- B/ Elkano Browning Cream.
- C/ The Misfits.

3.

Zein urtetan jaio zen Telesforo Monzon buruzagi abertzalea?

- A/ 1912an.
- B/ 1904an.
- C/ 1911n.



Super BM emandako 30 euroko erosketa-txartela zozketatuko du BERRIGARAK asmatzailen artean!

AURREKO ZENBAKIKO IRABAZLEA

MIREN ZALOÑArendako izan da 30 euroko erosketa-txartela.

Zorionak, Miren!

Galderen erantzun zuzenak: Bonofotoa: Oxirondo / Galde debalde: 1-C, 2-A, 3-C.



BONOFOTOA

GALDE DEBALDE 1/ 2/ 3/

Ekarri txartela MARTITZEN EGUERDIRAKO BERRIGARARA!

IZEN-DEITURAK

TELEFONOA

Vivesoy zukua

Litroko brika

0,95 €

158 pezeta

Super BMn beti eskaintzarik onenak!



ZABALA
JATETXEA • OSTATUA



Labegaraieta, Ibarra 14
BERGARA.
Tel.: 943 76 20 07 - 76 42 57

1929az geroztik zure zerbitzura



IRURAK MARGOAK
DISEINUAK, S.L.

Era guztietako lanak

Moketa eta sintasola

Iztuku esponjatua

Paper pintatuak

Harea zorrotada

Iztuku faltsua

Aitziturri 6 • 95 posta kutxa • 20570 Bergara

Telefonoak: 943 76 09 32 / 610 259 983 / 984

Faxa: 943 76 09 32

TELEIXA
BILTEGIAK

Eraikuntza
materialak

Telleria (Labegaraieta)

BERGARA

Tel.: 943 76 27 93



Indartsuago.

Mundu-mailan estandar berri bat sortu da Espres-zerbitzuei, merkantzien garraioari eta logistikari dagokienez.

DHL markapean bildu dira Guipuzcoana Euro Express, paketeen alorrean Europako buru dena, DHL Worldwide Express, aireko garraio espresetan munduko buru dena eta Danzas, aireko eta itsasoko zamen alorrean munduko buru dena. Honela are hobea den zerbitzu globala eskaintzeko. Modu honetan eskaintza, zerbitzu eta aukera gehiago jartzen ditugu zure eskura munduko 220 herrialde baino gehiagotan. Zure beharrak edozein direla ere, horiei erantzuna emateko prest gaude. Jar zaitetz gurekin harremanetan eta DHLren indar osoa izango duzu zure negozioaren zerbitzura.

DHL Express Bergara
San Juan Erreka 33
20570 - Bergara
Tel.: 943 763 642
Faxa: 943 765 425

MUNDUA MUGITZEN DUGU 